

PRIJEDLOG

Na osnovu člana 18. Statuta općine Maglaj ("Službene novine općine Maglaj" broj 8/07, 3/08 i 6/08), Općinsko vijeće na sjednici održanoj dana 2018. godine donosi,

ODLUKU

o davanju saglasnosti

Općinskom načelniku za raspolaganje građevinskim materijalom od napuštenih, oštećenih i devastiranih kućica iz izbjegličkog naselja na Omerdinom polju.

Član 1.

Daje se saglasnost Općinskom načelniku za raspolaganje građevinskim materijalom od napuštenih, oštećenih i devastiranih kućica iz izbjegličkog naselja na Omerdinom polju.

Član 2.

Građevinski materijal od napuštenih i devastiranih kućica iz izbjegličkog naselja Omerdino polje, će biti dodjeljen, bez naknade, licima koji su socijalna kategorija, kao i licima čiji su stambeni objekti stradali u poplavi, klizištu, zemljotresu, požaru i drugim nepogodama.

Član 3.

Građevinski materijal će se dodjeljivati licima iz člana 2. ove odluke pod uslovom, da sav građevinski materijal koji se može upotrijebiti uzimaju za sebe, a ostatak materijala, koji se ne može iskoristiti, moraju odvesti na gradsku deponiju, te očistiti sve do temelje kućica.

Član 4.

Obavezuje se Općinski načelnik da formira Komisiju, čiji će zadatak biti da utvrdi kriterije i uslove pod kojima će se vršiti dodjela građevinskog materijala licima iz člana 2. Ove Odluke, od oštećenih i napuštenih kućica iz naselja Omerdino polje u Maglaju.

Član 5.

Ova Odluka stupa na snagu osmog dana od dana objavljivanja u Službenim novinama općine Maglaj.

Broj:

Datum: 2018.godine

Predsjedavajuća OV
Svjetlana Zamboni

O b r a z l o ž e n j e

Na području Omerdinog polja, u poslijeratnom periodu je od strane humanitarnih organizacija sagrađeno izbjegličko naselje za izbjeglice i raseljena lica sa područja Općine Maglaj.

U posljednjih nekoliko godina, naselje je napušteno od strane privremenih korisnika, kućice oštećene, devastirane, tako da samo u nekim od njih su povremeno boravila lica, koja su pripadala socijalnoj kategoriji.

Obzirom da su kućice već duži period napuštene, oštećene i devastirane, te kako više nisu uslovne za stanovanje, (koriste se za odlaganje smeća, skupljaju se lica koja konzumiraju alkohol, te je više puta izazvan požar), u Općinu Maglaj su dostavljeni zahtjeve zainteresovanih lica, koji traže da im se dodjeli građevinski materijal sa kućica, koji bi koristili za izgradnju, sanaciju i adaptaciju svojih objekata, koji su uništeni ili oštećeni u požaru, poplavi, klizištu i sl.

Zbog gore navedenog predlažemo da Općinsko vijeće da saglasnost Općinskom načelniku, u smislu, da može raspolagati sa građevinskim materijalom koji je ostao od napuštenih i devastiranih kućica, te da se isti dodjeli licima koja se navedena u članu 2. ove Odluke.

Uslovi pod kojima bi bio dodjeljen građevinski materijal su da se isti odnese, a materijal koji se ne može iskoristiti, odveze na gradsku deponiju u Maglaju, te očisti sve do temelja kućice.

Općinski načelnik treba da formira komisiju čiji zadatak bi bio da utvrdi uslove i kriterije pod kojim će se vršiti dodjela građevinskog materijala zainteresovanim licima.

Zbog svega navedenog predlažemo da se usvoji Prijedlog Odluke o davanju saglasnosti Općinskom načelniku za raspolaganje građevinskim materijalom od napuštenih, oštećenih i devastiranih kućica iz izbjegličkog naselja na Omerdinom polju.


Obradivač:

Saračević Jasminka dipl.pravnik



Kontrolisao:

Hajrulahović Fuad, dipl.ing.arh.



Općinski načelnik
Mirsad Mahmutagić